

5

# DE BAPTISMO CHRISTIANO, ET QVIBVS-

dam eiusdem Baptismi prodromis, Theses Catholicae, 5. Calend. Martias, in Catholica Academia Ingolstadiana, Christo duce & auspice, publice disputandæ.

AD TITVM 3.

*saluos nos fecit lauacro regenerationis & renouationis Spiritus sancti, quem effudit in nos abunde, per Iesum Christum Saluatorem nostrum.*



Ex Typographica Vuciffenhorniorum Officina. Anno 1566. +



ἄλλοι.

οὐδ' ἡμ' αἰετέσσωρ πᾶσαρ σὺν Χέυσι μ' ἐγείρη·  
 εὐδ' ἡμ' ἐξάψῃ πωρσὸν ἅπανθ' ὅσα τάρ·  
 οὐδ' ὅσα τινὲς βοίωμ' ὡπίσι μ' βλαβῆ, ἔχριε δὲ νω·  
 βαυαρίηδ' ἄχχωμ' δ' ἐξὶ ἀσκηπτῆρα φορεῖ.

# DE CIRCVCN- CISIONIS MYSTERIO.



## I. CIRCVCNCISIO

Gen. 17. c. ex quo de  
potissimum veteris legis Sacramentum, conf. d. 4.  
gratiam conferrebat, quamuis non ex se, ut Gal. 4.  
Baptismus, & reliqua nouæ legis Sacra- 1. Cor. 7. 10. 1.  
menta: sed ex fide Christi uenturi, cuius si- Con. Tri. Flo.  
gnaculum erat.

### II.

Vnde nec quosuis promiscuè mortales, sub mortis interminatione obli- Gen. 17.  
gebat, sed eos tantum ( tametsi non omnes ) qui ad Abrahamum, unde Chri- Exod. 12.  
stus Dominus noster secundum carnem n. sciturus erat, genus suum refere- Matth. 1.  
bant.

### III.

At uerò, licet sola Abrahami posteritas Circuncisionis lege teneretur, li- Gen. 17.  
berum tamen erat reliquis omnibus, præputium in Circuncisionem commu- Exod. 12.  
tare: nec minoris ea existeret efficacitatis in genium populo, ad Iudeorum  
religionem conuerso, quam in ipsomet Iudaico.

### IIII.

Quod autem ad signaculi huius ritus attinet, culter lapideus, quantum- Exod. 4.  
libet alicubi usurpatus, atq; adeo etiam in mysterium præceptum legatur, non Iosu. 5.  
ideo tamen erat de substantia Sacramenti: Dies porro octauus, ita erat præ- Gen. 17.  
finitus, ut nulla eum ratione liceret anteuertere, licebat tamen, propter ma- Leuit. 12.  
nifestum uitæ periculum, aut alias graues causas, eundem nonnunquam diu-  
tius prorogare.

### V.

Quod si quem interea loci incircuncisum mortem obire contingebat, ser- c. quod autē  
uabatur ille, perinde atq; ante octauum diem, maiorum suorum fide, uel ali- de con. d. 4.  
quo etiam fidei supernaturalis actu.

### VI.

Etenim cum fides illa, ratione obiecti, hoc est, Christi crediti, iustitiam pa-

Greg. lib. 2. reret, non erat usq; quaq; necessarium, ut qui fidem suam, per modum Sacra-  
 c. 11. in Iob. menti, parvulo applicabat, certum aliquem fidei habitum, aut externum ali-  
 quod sacrificiū adferret, sed satis erat si a<sup>l</sup>quo fidei exteriori, uel etiam  
 interiori, eiusmodi infanulum, Deo Opt. Max. offerret & commendaret.

## DE BAPTISMO Ioannis.

### I.

Ioan. 1. **B**aptisma Ioannis Deum quidem agnoscebat autorem, attamen quòd  
 Matth. 3. nihil quicquā in eo præstaretur, quod Ioannes, uel unusquilibet etiam  
 Marc. 1. alius, præstare non posset, (Siquidem gratiæ omnis uacuum erat, nec ullam  
 Luc. 3. ueri Sacramenti rationem habebat, sed tantum, ueluti quedam catechesis,  
 Acto. 1. ad Baptismum Christi disponebat) non Christi uel Dei, sed Ioannis nomine  
 rectè fuit appellatum.

### II.

Acto. 19. Vnde quicunq; ab eo fuerant baptizati, siue suam in illo baptismo spem  
 collocarent, siue in alio quouis, siue τῷ ἁγίῳ, mysterium recta fide tenerent,  
 siue solam μὴ δὲ α in diuinis agnoscerent, omnes (si modo inter Christianos  
 uellent censi) denuò Christi Sacramentum debuerunt initiari.

### III.

Matth. 3. Nectamen ideo ceremonia illa nullius erat utilitatis, aut omnino super-  
 c. nunquam uacanea, siquidem plerosq; hoc baptizandi ministerio, ad Baptismum Chri-  
 et c. per aquā sti, non ita multò post solenniter usurpandum, assuesciebat: Christum præ-  
 de cons. d. 4. terea abluendo, Baptismo Euangelico inchoando et consecrando ansam præ-  
 bebant. Celebri nanq; patrum sermone tritum & usurpatum est, Christum  
 mundiſimæ carnis suæ contactu, regenerandi uirtutem aquis conuulſiſſe.

### IIII.

Ambr. lib. de Quamquam id ita non sit exponendum, quasi uim tunc aliquam, aut ali-  
 Sacram. quam qualitatem supernaturalem, aquis Seruator noster impresserit, sed  
 Chrys. epiſt. quod elementum aque, ueluti materiam diluendis criminibus aptam, tum  
 ad Himeriū. primum definiuerit, & qua pollebat autoritate, insituerit.

### V.

Luc. 16. Caterum qua forma, quòue ritu, Ioannes prophetarum βαπτισμῶν, suam  
 illam



illam functionem obierit, id ex Euangelicis scripturis non satis compertum habemus: legimus quidem, baptismi sui candidatos admonuisse, in eum, qui Act. 19. uenurus erat, ut crederent, & alia præterea salubria quædam documenta, Matth. 3. pro suo cuiq; statu atq; officio tradidisse, ex eo tamen non conficitur, ea, aut Luc. 3. alia eius generis forma, inter baptizandum, uti consueuisse.

## DE BAPTISMI SUBSTANTIA & institutione.

I.

**B**aptismus reliquorum Sacramentorum ianua, est exterior corporis Conc. Flor. ablutio, uerbo uitæ consecrata, qua Deus interiorē mentis nostræ Rom. 6. Tit. 3. emundationem, secreta quadam uirtute operatur & perficit. 1. Petri 3.

II.

Fuit autem sacrum hoc regenerationis symbolum, in Christi Baptismo Mat. 3. Luc. 3. primum initiatum & sanctificatum: in morte porro, quando ex latere eius Marc. 1. sanguis & aqua profluxerunt, confirmatum, & quasi sigillo quodam obsignatum. Iohan. 19.

III.

At uerò tametsi ante Christum passum esset institutum, & usurpantibus fructuosum nullo tamen legis, aut præcepti alicuius uinculo, ante sacratissimam Domini nostri ascensionem, & solennem eius promulgationem, quæ Matth. 28. quam omnino obligabat, sed tamē ueluti salubre quoddam uitæ spiritalis Marc. 16. adminiculum, in consilio, & uniuscuiusq; arbitrio positum erat.

IIII.

Quo etiam tempore Circuncisio, quæ ante patratur redemptionis mysterium, uim suam inconcussè obtinuerat, his, qui Euangelij, Christianiq; Baptismi prædicationem audierant, coepit esse mortua, nondum tamen noxia ad Hieron. aut mortifera: cæteris uerò, quibus de Messie aduentu, certi adhuc nihil constabat, neq; mortua erat neq; mortifera, sed efficax & obseruatu necessaria.

V.

Materia Sacramenti huius proxima, est immersio seu ablutio, remota uerò, est aqua uera & naturalis: nec refert calida ne sit an frigida, aut alia qualitate, quæ eius substantiam non corrumpat, affecta. Conc. Flor. Conc. Tride.

VI.

Aqua proinde frigore concreta, ut actu forsit aqua non est, ita, nisi prius

A 3 colliguescat,

colliqueſcat, materia expiandis ſceleribus idonea eſſe non poteſt: multo ue-  
ro minus, ſucci illi & liquores, qui ex humiſciſcenibus, uel arte expriman-  
tur, uel ſua etiam ſponte reſoluuuntur.

VII.

**Matth. 28.** Forma uerò uerbis Euangelicis deſinita, eſt iſta: Baptizo te in nomine  
**Concil. Flor.** Patris & Filij & Spiritus ſancti. Cui etiam nihil omnino, quod germanum  
**Trident.** uerborum ſenſum labefaciat, aut turpiter interuertat, addi debet, aut adimi.

VIII.

**c. non ut ap=** Quare Sacramentum hoc, conſuſo Trinitatis, uel unius tantum, aut alte-  
**poneres de** rius perſonæ nomine conſecratum, efficitur penitus ἀνόστος: Infantes,  
**Bap. & eius** præterea ante abſolutam trium diuinarum hypoſtaſeon inuocationem ex-  
**eff. & c. in ſy=** timeti, ut renati non ſunt, ita ad Eccleſiaſticam ſepulturam recipi non poſ-  
**nodo de conf.** ſunt.

IX.

**d. 4.** Per hoc tamen immenſe Dei Opt. Max. miſericordie, quam quidam pa-  
rum cordate hic extollunt, nihil quicquam detractum uolumus. Scimus enim  
& ingenuè fatemur, uim illius, Sacramentis ita non eſſe alligatam, quin effe-  
**Luc. 7. et 23.** ctum Sacramenti ſine Sacramento, etiam infantibus queat conferre. Sed quo-  
niam an uelit, exploratum non habemus, quod leges præſcribunt, non quod  
iſti uel illi conſingunt, cogimur hic & uolumus tueri.

X.

Sed neq; uerba ipſa Sacramentalia, temerè in cognata ſynonyma ſunt  
demutanda, quamuis enim immergo, abluo, & alia his ſimilia, idem ſerè  
ſonent Latinis, quod Græcis τὸ βαπτίζω, & proinde aliquod iſtorum, quod  
ad Sacramenti uim attinet, uſurpari poſſet, non ideo tamen tutum ſatis fo-  
ret, loco Patris uel Filij, genitoris uel geniti nomen ſubſtituere, etiamſi po-  
teſt, & alij quidam politiores ſcriptores, pro iſſdem paſſim accepiſſe depre-  
hendantur.

XI.

Sic quoq; quamuis idem forſan ſit, in uirtute, uel in fide, quod in nomine,  
neutrum tamen iſtorum, nominis loco auderem uſurpare, multo uerò minus  
τὸ in nomine unitatis, in τὸ nominibus multitudinis commutare.

XII.

**Concil. Flor.** At uero pronomen iſtud, te, in proprium, uel in quoduis aliud affine, citra  
ullam myſterij immutationem poſſet conuerti: Nam ſi græcicis hominibus  
ſas eſt dicere, Baptizetur ſeruus Chriſti Theophilus in nomine Patris &c.  
cur non etiam Latinis dicere ſas ſit: Baptizo ſeruum Chriſti Theophilum  
in nomine Patris &c. Fateor tamen iſtiusmodi mutationes, contra Eccleſie  
conſuetudinem

consuetudinem neutiquam esse faciendas, factas uero seuera censura castigandas.

XIII.

Vsitata multorum est sententia, Apostolos in ipso statim nascens Ecclesia exordio, in solius Christi nomine Baptismum conculisse, quibusdam tamen, et c. si quis de quorum iudicium, propter Apostolicas sanctiones, et alias preterea graues causas, non possumus hac in parte non complecti, longè probabilius uidetur, neq; Apostolos ipsos, neq; ullum unquam orthodoxum, Apostolorum temporibus posteriorem, alio uerbo, quam à Christo domino prescripto, Baptismum consecrassè.

XIII.

Quod autem in nomine Christi leguntur baptizasse, id eo in sensu accipiendum putamus, quod nimirum Iudeis recens ad fidem conuersis, et ad Baptismum Ioannis dudum assuetis, sedulo inculcarent, se non in Ioannis, aut alterius cuiuspiam Prophetæ aut Apostoli, sed tamen in nomine atque uirtute Christi, regenerationis gratiam conferre. Fieri nihilominus etiam potuit, ut formæ à Domino nostro præstitutæ, Christi nomen solenniter inseruerint, hoc uel simili modo: In nomine Patris et Filij Domini nostri Iesu Christi et Spiritus sancti.

XV.

Quare si quis hac tempestate Sacramentum hoc in solius Christi nomine, alijs interim personis suppressis, administrare fortè uellet, non solum graui sacrilegij crimine sese obstringeret, uerum etiam mysterium ipsum, sua illa nefaria temeritate incertum redderet.

## DE FORMA ACTIONIS.

I.

Quod autem ad ministrij ritum spectat, nihil omninò, hoc præsertim tempore, referre uidetur, immersione ne, an infusione, uel etià asper- sione baptizes, gerit nihilominus trina immersio imaginem dominicæ mortis et sepulture aliquanto expressiorem, quàm infusio uel asper- sio: Sed quoniam illæ ipsæ, eandem quoq; sepulturam et resurrectionem, aliquo etiam modo adumbrant, unusquislibet Ecclesiæ suæ usum seruet, et ne quid contra Sacramenti integritatem, aut publicam etiam honestatem committat, diligenter caueat, parum enim honestum uideretur, etiam ubi mergendi consuetudo obtinuisset, adultiorem toto corpore nudatum immergere.

Quod



Acto. 2.

Quod si quo in loco, sola aspersio, quod non opinor, inoleuisset, summa ibi ope nitendum est, ut aliqua saltem corporis pars, aqua uitali proximè contingatur, alioqui Sacramentum nullo modo perficeretur, quicquid interim quidam de Apostolorum facto, deq; ministerij huius, per Christum summum Sacerdotem consummatione, subulnuntur potius, quam theologicè commenantur.

## III.

Rursum licet consultissimum censeamus Sacramenti huius ministerium eo modo instituere, ut forma simul cum ablutione inchoetur & absoluator, non tamen id usq; adeo necessarium arbitramur: Satis enim fuerit, si aliquo temporis articulo coniunctim procedant, siue id fiat in capite, siue etiam in calce actionis: Imo uerò non absurde defendi posset, sat esse, si (ut etiam in Extrema Vnctione passim obseruari uidemus) sese nutuò statim consequantur. Non enim coniunctio illa, seu adequatio mathematico more est accipienda, sed humano, quo etiam illa, quæ se mox insequuntur, simul esse usitatè dici consueverunt.

## III.

Nemo omnium, cum manifesto uitæ periculo intingi debet, sed nec absque graui scelere intingi potest, secus si discrimen non fuerit euident, uel leuem tantum uoletudinis offensionem, uitæ ue detrimentum, ea ex re credatur accepturus.

## V.

Matth. 28.

Baptisma ritè, hoc est, in nomine Patris & Filij & Spiritus sancti, cum intentione, quod facit Ecclesia, semel collatum, citra nefarium sacrilegium re-integrari nullo pacto ualet, redintegratum uero, non modò gratiam non præstat, uerum etiam temeritatis auctori, nisi forsitan inuincibili facti ignorantia, ratione excusetur, culpam, meritamq; pœnam accumulatur.

## VI.

c. si nulla,  
c. paruulos,  
de cons. d. 4.  
& c. placuit  
ibidem.

Cæterum si qua uehemens suspicio animum pulsaret, Sacramentum antea nullum extitisse, liceret, imò necessum esset, quod factum esse nescitur, sub recepta conditione repetere, uerum si dubium probabile nō est, sicut ferè probabile esse non solet, ubi uel unius cuiuslibet extat testimonium, sine graui Sacramenti iniuria, instaurare non licet.

## VII.

c. 1. ext. de  
Bapt. & c. 59  
synod. 6.

Seuera proinde censura digni sunt pastores illi et ministri, qui cum aperta habeant documenta, infantem domi fuisse baptizatum, eundem tamen de-nuò, perinde atq; si nihil omnino huius esset factum, publicè in templo, uel etiam,



etiam, contemptis Ecclesie legibus, in privato domicilio, immergere nequeat quam pens habent.

#### VIII.

Sed & mulierculæ illæ non minorem meritò promerentur reprehensio- c. mulier de  
nem, quæ nulla urgente necessitate, quosuis citra delectum infantes, uix dum conf. d. 4.  
benè in lucem procreatos, statim ad Baptismum abripiunt.

#### IX.

Ratum est nihilominus mysterium, etiam ab eiusmodi stolidis & teme- c. sanctum, &  
rarijs mulierculis, extra necessitatem, exhibitum, neq; quicquam aliud, quod c. hi de quib.  
hic agat, reliquum est Ecclesie ministro, quam ut catechismos et exorcismos, de conf. d. 4.  
& reliquas eius generis cæremonias, ad Sacramenti uenerationem, de more  
adhiberi consuetas, publicè adhibeat.

#### X.

At uerò, casus ambigui, in quibus inculpate Sacramentum redintegrare  
licet, uarij sum, nec possunt certa aliqua regula commodè satis contradi: ue-  
rùm si quando occurrerint, non præcipiti, sed maturo procedatur consilio:  
exquiratur iudicium sapientium, diuinum quoq; imploretur auxilium, ea de-  
niq; consilia adhibeantur, quæ uiri graues & cordati, in re seria adhibere  
plerunq; consueuerunt.

#### XI.

Quondam adultis ( Nam paruulos propter periculum quouis semper c. duo tempo-  
tempore abluerè licuit ) certa & præfinita quædam tempora, quibus solen- ra, & c. non  
ni ritu iniarentur, fuerant constituta, nunc uerò quod per pauci hisce in lo- de conf. d. 4.  
cis, exoticæ religionis homines, ad fidem conuertantur, quandocunq; uisum & c. uenera-  
fuerit baptizari possunt. bilis: ibidem.

#### XII.

Quanquam patres orthodoxi, propter effectorum cognationem, tripli- c. Baptismi  
cem nobis Baptismum definiant, et ipse quoq; Scripturæ, eosdem non obse- uicem de conf.  
rè influent: ex his tamen unus tantum, qui etiam Fluminis, recepto loquen- d. 4.  
di modo, appellatur, ueri Sacramenti rationem sortitur, cuius etiam uotum,  
reliqui duo, ut fructum ferant uita eterna dignum, necessariò includunt: atq;  
hæc ratione cæteris dici potest præstatiòr, tamen si utroq; alioqui sit inferior.

#### XIII.

At uerò siue martyrium sacrum aliquod symbolum sit, seu nonnulla po- c. Catechume-  
tius sacri alicuius symboli imago. certum est, non ad modum meriti, sicuti alia nū de conf. d.  
uirtutum opera, sed instar ueri Sacramenti, primam gratiam conferre, Puc- 4. ex D. Aug.

ris quidem absq; ullo actu proprio, adultis uero cum actu attritionis, uel cum hoc solo conceptu, uolo pro Christo mori: modo tamen nullius peccati lethalis habuerint propositum: tollit idem etiam, haud secus atq; Baptismus a qua, omnem omnino culpam & poenam, imò uniuersas uitae huius ærumnas atq; calamitates.

XIIII.

Sed nec Ecclesia Catholica ullum aliud, ad cuiuscunq; martyris ἀποθνήσκειν requirere solet indicium, quam ut certò constet, fortem pro Christo mortem oppetisse: quòd si ex euidenti ueræ contritionis scientia, ad huiusmodi Canonizationem procedendum esset, nunquam absq; diuina reuelatione, festum diem cuiuscunq; martyris indicare, aut celebrare tutò posset, cum de actibus eiusmodi occultis & interioribus, certum sibi iudicium sumere non soleat, sed de ijs tantum, quæ sub sensum humanum cadere nata sunt.

XV.

Turpiter proinde, ne quid durius dicam, hallucinati sunt, qui statuerunt, ex sacro illo Innocentium albo, quos Herodis mucro crudelissimè peremit, eos tantum certa salute potitos, qui ante necem, Circumcisionis beneficio, ab originis labe fuerant liberati, reliquos uerò non item: Cum Ecclesia Christi, quæ in cului diuino errare non potest, omnium festum ex æquo habeat celebrare, probabilissimùmq; sit, præter gentium infantes, quæ tunc passim in Palestina habitasse creduntur, plurimos etiam Iudeorum paruulos incircumcisos fuisse enectos. Occidit enim omnes promiscuè abimatu & infra.

Matth. 2.

XVI.

Quin etiam sacræ illæ martyrum primitiæ, propter solam Circumcisionis gratiam, non magis pro Diuis essent colendi & inuocandi, quam Christianorum infantes, qui suscepto Baptismi Sacramento, statim ex huius lucis usura, excesserunt. Conulit igitur martyrium illud ex se, præter laureolam, insignem aliquam gratiam, cuius uirtute ueri effecti sunt Sancti, ueriq; testes Christi.

## DE BAPTISMI MINISTRO.

I.

c. constat, &  
c. mulier de  
conf. d. 4.

**M**inisterium Baptismi, non Diaconis, aut alijs quibuscunq; inferioris ordinis Ecclesiæ ministris, sed solis Sacerdotibus, ex officio incumbit, non

bit, non tamen omnibus, sed ijs dumtaxat, qui uel ordinaria uel aliqua saltem uicaria pollent authoritate & iurisdictione.

II.

Quare si quis, seclusa necessitate, Sacramentum hoc, uel aliud quoduis, in aliena Ecclesia, ueluti ex officio administraret, præter grauissimam numinis offensionem, etiam anathema fieret.

c. nunc aut, et c. unitas, et c. fat. de cō. d. 4.

III.

At uerò cum Baptismi candidatus, extrema salutis urgetur necessitate, tum demum in exhausta Dei misericordia, qui neminem perire, sed omnes quod in se est, uult saluos fieri, ministerium hoc, non solum sacerdotum ordinis, sed omni omnino hominum generi atque sexui uoluit esse commune.

c. in neceß. & c. d. quodā, & c. si inter de conf. d. 4.

III.

Veruntamen si quis usquam Catholicorum in tanto uitæ discrimine, ad manum possit haberi, nunquam homini hæretico, Iudeo uel pagano, munus hoc baptizandi esset permittendum, non ideo quidem, quòd uerum & efficax Sacramentum nequeant conferre, si uelint, sed quòd meritò suspicandum & metuendum sit, non uelle, aut etiam peruerse uelle.

c. sanctum est, & c. Bap. de conf. d. 4.

V.

Ceterum si nullum, uel uix ullum mortis periculum imminere uideatur, nemo istorum omnium, siue priuatim siue publice, ministerium istud, absque graui crimine, potest usurpare, uel temerè usurpanti, quocumque modo patrocinari.

c. aliud est, & c. quo modo, & c. quam uis unū, de cō. d. 4.

VI.

At nihilosecius, si qui, non ex temeritate, sed ex mera animi simplicitate, rati nimirum bona fide, rectè se facere, aliquid eiusmodi sibi sumerent, non auderem equidem eos, ueluti sceleris reos condemnare.

VII.

Vt unus simul plures, ita è diuerso plures simul unum, modo singuli forma proferant, & materiam subministrant, possunt baptizare, neutrum tamen, nisi insignis aliqua urgeret necessitas, impune admitti, uel facile deberet permitti.

VIII.

Ad Baptismi solennitatem, non autem ad eius substantiam facit, ut pedagogus quispiam adhibeatur, qui initiando assistat, & iam initiatum, ueluti nouum militiæ Christiane tyronem, in suam curam atque disciplinam recipiat. Huiusmodi autem non debet esse peculiarem aliquam religionem professus, multo uerò minus, paganismò, aut alijs huiusmodi erroribus adhuc addictus.

Dionys. c. 3. Eccl. Hierar. c. non licet, & c. monachi de conf. d. 4.



# DE SVSCIPIENTIBVS

## Baptismi Sacramentum.

I.

104.3. Mat. 28  
Marc. 16.  
Con. Tri. Mil.

**O**mnes & singuli, etiam in utero sanctificati, si facultas adfuerit, Baptismi lege tenemur, neq; quisquam omnium, absq; eius susceptione a diaboli & peccati seruitute potest liberari.

II.

c. debitum de  
Bap. & eius  
esse. & c. Ba-  
ptismi uicem  
de cons. d. 4.  
& c. nulla est,  
ibidem.

At cum Sacramenti copia deest, tum quidem adultis uerè contritis, ut non pereant, sufficit eius uotum seu Baptismus Flaminis, paruulis uerò, quòd post sufficientem Euangelij promulgationem, omnia illa naturæ & Mosaicæ legis præsidia, quibus olim iustificabamur, dudum iam sint abrogata, penitusq; abolita, nulla omnino, præter unicum martyrium, quo etiam adulti seruari possum, reliqua est salutis uia.

III.

c. firmissimè  
de cons. d. 4.

Ceterum cum Baptismus re uel uoto susceptum, omnibus adultis statuimus necessarium, non id, eo in sensu acceptum uolumus, quasi hac tempestate nemo absq; expresso conceptoque Baptismi desiderio uitam queat adipisci: credimus enim & libenter fatemur, si qui usquam locorum existunt, qui inuincibili Euangelicæ legis ignorance etiamnum, citra suam culpam, laborant, uitamq; ad legis naturæ præscriptum rectè instituunt, & quod in se est, gratia Dei adiuti, ex animo præstare satagunt, eos haud secus, atq; olim ante Euangelium inuulgatum iustificari posse, non tamen absq; fide Mediatoris, aut implicito Baptismi Christiani uoto. Posteaquam enim semel fidei supernaturalis lumine illustrati persusiq; Deum, diuinamq; attributa credere incœperunt, hoc ipso, quæ nos distincta & expressa fide credimus et tenemus, ea ipsi confusa & obscura quadam fidei notitia credere atque tenere rectè dicuntur.

IIII.

Interim tamen ualdè nobis sit probabile, per paucos hoc æuo comperiri, qui legi naturæ conuenienter uiuant, multò uero pauciores, qui obscura illa fide iustificati, absq; maiori & expressiori Dei, diuinarumq; rerum cognitione, ad beata illa domicilia commigrent.

V.

Pueri infantes, quòd alium, præter Baptismus ordinarium salutis portum.

tam nullum habeant, neq; institutionis per aetatem capaces existant, primo c. maiores de  
quoq; tempore sunt baptizandi, adulti uero non ita, sed prius, ne Ecclesia Bapt. & eius.  
fucum faciam, neq; professionis suae canones ignorent, diligenter sunt ex- c. Iudei d. 4.  
plorandi, & in religione Christiana instituendi.

V I.

Quod si uero huiusmodi adulti catechumeni in ipso mox conuersionis suae te baptismum  
exordio, in aliquo uitae discrimine uideremur constituti, uel aliis Christianis & c. ante uia-  
fidei prinordia satis essent edocti, nullam uideo rationem, cur mysterijs no- gnti d. 4. de  
stris euestigio non queam initiari.

V II.

Imo uero non modicam adiunctam habet noxam, citra grauem & legit- uenerabilis,  
mam causam Sacramentum isthoc diu multumq; prorogare, nec si qui Sancti & c. qñ quis  
prorogasse legemur, ideo prorogasse putandi sunt, ut interea licentius uiue- de conf. d. 4.  
rent, sed ut maiorem animi feruorem, maiorinq; uitae sanctimoniam, huc ad-  
ferre possent.

V III.

Nemo uoluntatis suae arbiter conuolutus, absq; fide & generali quadam c. non potest  
peccatorum detestatione, potest sanctificari, sanctificationis tamen Symbo- d. 4. de conf.  
lum, absq; fide & poenitentia a quibusdam impetrari, nihil uerat.

I X.

Quin ipsi etiam paruuli, uoluntatis arbitrium nondum sortiti, hactenus c. paruuli, &  
eam ipsam quoq; fidem & poenitentiam habere non inepte dicuntur, quae c. mater d. 4.  
tenus fidei Sacramento initiantur, non ea autem ratione, quod actu tunc ue- de conf.  
re credant, uel poeniteant, ut insulsissime somniarunt haeretici: uerum baptiz- c. maiores de  
cati, non fidei modo, sed reliquarum etiam omnium uirtutum habitibus, qui Bap. cō. Vien.  
gratiam suapte natura consequuntur, re ipsa exornantur & imbuuntur.

X.

Quapropter ubi iam adoleuerint, non sunt impuro rursus anabaptismo Conc. Trid.  
conmemorandi, neq; interrogandi, ratum ne habeant, quod susceptores, eorum  
nomine, dum baptizarentur, promiserunt, neq; si qui forte a proposito uel-  
lene resiliere, suo sunt arbitrio relinquendi, sed omni seueritate in officio con-  
tinendi.

X I.

Vt infideles adultam aetatem nati, ui uel metu, ad fidem aut fidei Sacra-  
mentum, citra sacrilegium compelli non possunt, ita infidelium infantes, nisi  
eorum parentes libere assensuantur, salua iuris aequitate, atque adeo Sacra-

menti ipsius integritate, nullo pacto baptizari queunt. Secus si eorum maiores non omnino repugnarent, uel ipsimet aliquanto adultiores iam effecti, ad religionem nostram ultro aspirarent.

## XII.

Ceterum sicubi locorum, infantes reperirentur Ethnicorum, pleno iure dominis christianis subiectorum, eos absque ulla iurium infirmatione, ab infidelibus parentibus liceret abstrahere, abstractosq; uitalibus aquis expiare. Idem quidam de Iudeorum paruulis statuendum putant, sed grauitur, mea quidam sententia, falluntur, nec Ecclesia Catholica unquam huc usq; ius illud in Iudeorum infantes sibi sumpsisse comperitur.

## XIII.

c. si ad matrē  
c. qui in.  
Acto. 10. 4.  
Gal. 3. Ioan. 3.  
Rom. 5.  
Con. Trid.  
Con. Mile. c. 2

Quemadmodum nemo omnium uita defunctus per Baptismum potest renasci, ita nemo quoq; ex utero in lucem hanc non dum editus, maiorum suorum fide, aut quacumq; benedictione potest sanctificari: Et oppositum affirmare, non modo non est fium, sed erroneum, planēq; Calvinianum, omni uero errore & heresi peius, ex cathedra proclamare Deum iniustitiæ notam euadere non posse, si prius extinctos, quàm natos, uel aliàs non baptizatos ad cœlesti regnum ultro non reciperet.

## XIIII.

c. placuit de  
conf. & c. fir-  
missimè ibidē.

At si quis aliqua sui parte prodiret, & ex partu manifestum uitæ periculum immineret, posset is inculpatè secundum illam partem sacramentaliter ablui, nec opus foret magnoperè, si postea superflitem uitam ageret, illiusmodi Baptismum, etiam sub recepta cautione repetere, cum anima, quæ peccato Originis potissimum infecta est, sit tota in quauis corporis parte: Si qui tamen maioris securitatis causa, consultum id putant, nos non reclusamur.

## XV.

Perpetua & uerax iam inde à pueris laborantes, perinde atq; infantes, possumunt & debent baptizari, sicut & illi quoq; qui ante phrenesin, Sacramentum hoc non fictè petiuerunt, si uerò non petiuerunt, uel etiam fictè, hoc est, in scelere suo oblati petiuerunt, nulla ratione à peccato queunt liberari, sed sunt huiusmodi simpliciter & absolute extra omnem salutis statum, nisi forsitan priusquam miserum spiritum exhalarent, ad sanam mentem reuerſi, uera ducerentur penitudine, uel eiusmodi aliqui reperirentur, qui sol originis lobi obnoxij, (id quod uix unquam tamen usu uenire potest) Baptismum impetrarent.

Quo



# XVI.

Quo tempore, quòue loco Apostoli fuerint baptizati, certò definire nequimus, attamen quod lex Baptismi, omnem omnino hominem, in hunc mandum uenientem pari uinculo obstringat, nec ulla penitus ratio probabilis appareat, cur Dominus Apostolos, Baptismi sui præcones & administratos, à c. 5. eos, & c. lege illa uniuersali uoluerit exemptos, certissimum putamus uel à Christo qñ de con. d. 4 ipso, uel certè à se mutuo fuisse baptizatos.

# XVII.

Idem quidam de Virgine matre consentaneò statuunt, nonnulli etiam de præcurfore Domini Ioanne Baptista, licet alia interim de Ioanne fuerit ratio, neq; enim is propriè ad legem Euangelicam pertinebat, neque eo tempore, quo Sacramentum hoc præcepti uim iam obtinuerat, in uiuis agitabat.

## DE VI ET EFFECTV Baptismi.

### I.

**S**acramentum Baptismi ritè susceptum, non modo hereditariam illam *Conc. Trid.*  
Originis maculam, sed omnem omnino culpam, quocunque modo *Mile. & c. si*  
statam tollit, non superficie tenus radendo, ne deinceps in poenam im- *lius Dei, et c.*  
putetur, ut iniqui dogmatis authores docent, sed radicitus perimendo, pe- *ut ostenderet,*  
nitusq; ex animo reuellendo. *& c. paruulo*

### II.

Quin ab omni etiam poena, quibuscunq; peccatis in interiori conscientie *Gal. 3. Rom. 5*  
foro debita, immunem facit, non tamen à poenis aut legibus ciuilibus, aut san- *c. per Bap. &*  
ctæ Ecclesiæ præceptis, quæ uel scripta uel tradita sunt, multo uerò minus à *c. non ex quo:*  
uite huius calamitatibus, in certamen & exercitationem relictis, liberabit *de cons. d. 4.*  
tamen aliquando, cum nimirum inimica destruetur mors, & mortale hoc in- *Conc. Trid.*  
duet immortalitatem, & corruptibile in corruptionem. *1. Cor. 15.*

### III.

Idem quoq; regenerationis symbolum non adultis modo, sed ipsis etiam *c. si inter, &*  
paruulis, quocunq; tandem sine uel animo à suis parenibus, uel alijs quibuscunq; *c. Bap. & c.*  
ad Baptismum offerantur, gratiam præstat, non ita tamen consum- *non illud de*  
matam, suisq; absolutam numeris, ut baptizatum efficiat penitus æuamq; *cons. d. 4.*  
τῆς τοῦ, sed eius perfectionis, quæ ad meritoriè operandum, uitæq; æternæ *Conc. Trid.*  
gloriam promerendam abundè sufficiat. *B 4 At*

At licet utrisq; , paruulis inquam & adultis gratiam, & uirtutum habitus, quibus spiritaliter fecundentur, & uiua Christi membra constituantur, impertiatur, est tamen nonnullum inter utrosq; discrimen, siquidem paruuli, ob uirium imbecillitatem, tantum habitus uirtutum & donorum consequuntur, non etiam earundem uirtutum actus, adulti uero utrorumq; capaces existunt: rursus paruuli omnes, a quocunq; tandem ministro Sacramentum exhibeatur, lege ordinaria, pari donantur gratia, adulti uero maiore uel minore, prout maiorem uel minorem animi dispositionem huc attulerint. ex se tamen Sacramentum dat omnibus æqualem: deniq; paruuli gratia illa Sacramentali, certo euentu potiuntur, adulti non ita.

V.

c. non potest,  
& c. omnis  
qui. de conf.  
d. 4.

Quandoquidem si adultus animo ficto, simulatoq; hoc est, in quocunq; crimine obliuato (nam uenialis culpa non impedit) in hæc sacrosancta mysteria sese forsitan ingesserit, neq; gratiam, neq; ullius peccati consequitur ueniam, quin potius suo illo nefario sacrilegio, peccata peccatis, & scelera addit sceleribus.

VI.

Atqui licet Baptismus seu potius primarius Baptismi effectus, cum ea simulatione nequeat consistere, non tamen etiam perfectam illam, & uiuificam contritionis deposcit uirtutem, sed dolore attritionis, etiam notæ contentus est: Ea tamen dispositio, ad reliquorum Sacramentorum fructum accipendum, ut in tractatione de Sacramento pœnitentiæ susius, Deo propitio, explicabitur, non faceret satis.

VII.

e. tunc ualere  
de conf. d. 4.

Porro quam primum fictio illa, seu mentis obliuatio, per ueram pœnitentiam abscefferit, ilico Baptismus, uirtute in ipso caractere quodammodo adhuc reliquus, suum effectum, hoc est, gratiam & plenam peccatorum consequitur remissionem.

VIII.

Neq; hinc tamen efficitur Deum Opt. Max. dimidiatam quandoque ueniam impertiri, siquidem omnia peccata simul condonat, alio tamen atque alio modo. Nam quæ Baptismum præcesserant, integrè quo ad culpam et pœnam relaxat ex ui Baptismi, fictionem uero, hoc est, indignam Sacramenti susceptionem, cum reliquis quæ indignam illam susceptionem subsequuta fuerant, ex uirtute pœnitentiæ. Et ut gemino hic utitur remissionis organo, ita geminam quoq; gratiam infundere, non est improbabile.

Quod

Quod uerò ad fomitem seu congenitam illam concupiscentiam luem spe c. per Bap. et  
 etat, eam gratia baptismalis non aufert, neq; proprie diminuit, cum sit poe c. non ex quo  
 temia naturalis, hactenus tamen diminuere dicitur, quatenus petulantiam de conf. d. 4.  
 eius, nonnihil retundit atq; compescit.

## DE CATECHISMIS ET Exorcismis Baptismi.

## I.

**Q**uanquam infantes per etatem institutionis minimè sint capaces, c. siue paruul.  
 non tamen ideo incassum catechizantur, siquidem, præterquam et c. prima d.  
 quod Catechismi illi ad maiorem Sacramenti uenerationem permultum fa 4. de conf. c.  
 ciunt, habent etiam occultas suas uires et operationes, alioqui Ecclesia, quæ mater, ibidem  
 Spiritu sancto regitur, iam inde a tempore Apostolorum, in solenni Sacra et c. ante ba  
 menti huius administratione, non tanto studio adhibuisset, neq; tam anxie ab ptisum.  
 omnibus adhiberi uoluisset.

Clemens ep. 3

Dionys. c. 3.

## II.

Sic quoq; licet idem paruuli demonem in sefforem plerumq; non patiantur, rectè tamen et salubriter, priusquam uitali lauacro emundentur, sacris  
 quibusdam adiurationibus et exorcismis preparantur, quandoquidem po in Eze. Ro. 5.  
 testates ille aereæ, propter peccatum Originis, cuius legibus omnes nasci c. ante uigi. de  
 mur obstricti, non solum omnem captant occasionem corpora uexandi, ue conf. d. 4.  
 rumetiam animas ipsas perdendi siue id efficiant per interiorum mentis ob Aug. serm. de  
 cæcationem, siue etiam per Baptismi et aliorum Sacramentorum depul pas. et lib. de  
 sionem. Symb.

## III.

Ceterum ritus illi baptismales sum bipertiti, quidam namq; Sacramen de Adam.  
 tum antecedunt, alij uerò consequuntur, omnes tamen ex æquo Spiritu sancto c. postquam d.  
 tum habent autorem, et supernaturali quadam uirtute pollent, nec enim 4. de conf. c.  
 solum significant, sed pleriq; etiam eorum suapte natura efficiunt. c. sicut, ibidem  
 et c. dehinc

## IIII.

Nec ideo tamen, ne quis fallatur, Sacramenta sunt, cum iustificantem gra ibidem.  
 tiam non significant, neque præstent, sed tantum ad quosdam effectus spiri



tales disponant, nec id quidem euentu infallibili, palam est enim demones  
huiusmodi adurationibus, ab obsessis non semper profligari: quidam tamen  
ex ijs, si obicem non reperiunt, suum ferè semper sortiuntur effectum.

V.

e. catechismi  
d. 4. de conf.

Munus catechizandi, sicut & exorcizandi, ordinis presbyterij est pro-  
prium, quia tamen ceremonie illæ, extra substantiam Sacramenti sunt, so-  
lent quandoq; etiam ab inferioris ordinis hominibus administrari, nunquam  
tamen, a quocunq; tandem administrantur, nisi necessitas eogat, debent omitti,  
omissa uero studiosè perfici & expleri.

L A V S D E O.

ἁδίσωτορ.

ὅσις ἐξ ἁρθεοθεμ, πρὸς τέρας μετὰ κέντρα γενέθλης  
ἐρχης λαχὼν γενέθλιον τῆς ἀσώρη:  
τοῖς δ' ἄγε λυτροῖσιν κατὰ σῶμα τὸ ἔμβροτον ἐίρης  
καὶ ᾧς τάχιστα τῷ βοηθουμένῳ τυχεῖς.

PRÆSIDE R. P. THEODORO  
Peltano, Doctore Theologo, & Professo-  
re ordinario, ad has, de Baptismi Sacra-  
mento, Theses, respondebit D. Se-  
bastianus Haydloff, Artium &  
Philosophiæ Magister, &  
SS. Theologiæ Bac-  
calaureus.

Sub censura Catholicorum omnium  
rectius sentientium.

IN

